

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea  
Obtinenda Requisitis ...

**Leuren, Peter**

**Coloniæ Agrippinæ, 1704**

414. An consuetudine induci possit, ut supradicti citra memoratas causas,  
similesve à choro absentes lucentur nihilominus distributiones, modò sint  
in civitate, in qua est Ecclesia beneficii.

---

[urn:nbn:de:hbz:466:1-74477](https://nbn-resolving.de/urn:nbn:de:hbz:466:1-74477)

**Quæstio 412.** Quanam preterea in specie sint cause, ob quas à choro absentes lucentur etiam distributiones?

**R**espondeo: potissimas esse sequentes. Primo, corporis necessitas, v. g. si Canonicus senio confectus sit, et si seniorum propriè non sit infirmitas, Pirk. n. 87. citans Azor. ubi supra q. 12. vel si sit valetudinarius, aut medicinam sumpsit, vel sanitatis causâ ivit ad balnea, vel recedens ob metum pestis ibi gravantis, vel quia habet ibi inimicum, à quo sibi malum grave timet inferendum, Pirk. ibid.

2. Secundò, quodcunque grave damnum vita, honoris, vel fortunarum. Pirk. ibid. ex Castrop. d. 3. p. 9. §. 2. n. 1.

3. Tertiò, iusta incarceratio, aliq; similia, quæ casu aliquo extrinseco circa personam contingunt, accessumque ad Ecclesiam impediunt. Lott. cit. q. 27. n. 142. Idem est de iustis expulso in exilium. Secundum tamen est, dum quis condemnationi sui ad carcerem vel exilium, causam dedit per delictum; is enim jam censetur absente ob propriam malitiam. Pirk. loc. cit. citans Covar. variar. refol. l. 3. c. 13. & Azor. q. II.

4. Quartò, si quis impeditus fuisset à Capitulo, aut etiam expulsus, quod minus cum aliis choro interesset. Lott. n. 143. citans Mohedam decis. 6. de præbend. in quo casu necessaria non esset protestatio. Lott. ibid. ex Coccino. Tenentque hæc, nisi ipsem expulsus ante expulsionem omisisset aliquid, quod facere potuisset pro consequendis distributionibus. Lott. n. 144. fatus tamen fuisset, si obtulisset se ad tale quid faciendum, ubi ad illud per Capitulum non fuisset admissus; habetur enim eo casu id pro facto. Lott. ibid. n. 145. Porro in genere, quod ii. qui legitimè absentes à choro, percipiunt distributiones ordinarias, non lucentur tamē distributiones, quas amittunt illegitimè absentes, sed eas solis præsentibus accrescere, tanquam probabilius censet Pirk. n. 101. ex Castrop. loc. cit. d. 3. p. 8. n. 8.

**Quæstio 413.** Num supradicti absentes citra similes causas à choro, & divinis lucentur ad minimum fructus suorum beneficiorum, dum de cetero commorantur in loco beneficii?

**R**espondeo: tales adhuc haberi pro residentibus, (quod longè aliud est, quām habere pro præsente in Ecclesia & choro) & percipere præcise fructus sui beneficii, etiamsi culpabiliter absint plerumque à divinis. Pirk. loc. cit. n. 82. citans Laym. l. 4. tr. 2. c. 6. n. 1. ubi etiam addat, Canonicum, qui juravit residentiam, non censi perjurum, et si frequenter divina officia negligat, modò interdum se listat in Ecclesia & Capitulo; eò quod tunc residentia non omnino caret fine suo. quod idem videtur dicendum de lucrato fructus, nimirum necessarium ad hoc esse, ut statutis ad hoc diebus secundùm consuetudinem Ecclesia interficit choro aut certis horis.

**Quæstio 414.** Num consuetudine induci possit, ut supradicti citra memoratas causas similesve à choro absentes, & divinis officiis, lucentur nihilominus distributiones, modò sint in civitate, in qua est Ecclesia beneficium?

**R**espondeo negativè. Talem enim consuetudinem reprobatur Bonifac. VIII. cit. c. unico. de

cler. non resid. in 6. quam constitutionem innovat & in usum revocat Trident. sess. 24. c. 12. non obstantibus quibuscumque statutis, aut consuetudinibus, Pirk. num. 81. Estque talis consuetudo directè contra institutionem distributionum quotidianaum, vi cuius hæc tanquam quotidianum, & diurnum stipendum dari solum debent iis, qui divinis officiis intersunt, ut nimis tantè libentius, & studiosius hisce officiis intersint, si præsentem remunerationem accipient. Pirk. n. 79.

2. Hinc jam consuetudine nequit induci. Primo, ut habens duos Canonicatus in diversis Ecclesiis in utraque recipiat distributiones, dum in una solum interesset porest divinis ejus officiis. Pirk. n. 83. citans Barb.

3. Secundò, qui unā hebdomadā intersunt divinis officiis, lucentur per hoc etiam distributiones sequentis hebdomadā, et si tunc officiis non intersint. Pirk. ibid. citans Azor. d. c. 7. q. 5. & Barb.

4. Tertiò, ut Canonicō mortuo distributiones anni proximè sequentis dentur ejus hæredibus, et si valeat consuetudo, ut fructus præbenda primi anni expendantur in usus defuncti. Pirk. ibid. Azor. q. 2.

5. Quartò, ut lucentur distributiones, qui ad breve tempus absunt à divinis officiis v. g. dictis tribus mensibus à Concilio datis, animi relaxandī gratiā, vel etiam ex aliis causis, maximè in jure non expressis. Azor. loc. cit. q. 6. Garc. supra num. 395. Pirk. n. 83. qui tamen n. 84. ait, non deesse plures DD. qui universi dicant, validam esse consuetudinem vel statutum, ut Canonicī quotidianas distributiones percipiunt, cum legitimè ob causam in jure expressam absint. v. g. causā recreationis duabus illis vel tribus mensibus, cāmque sententiam etiam post decretum Trident. sess. 21. c. 3. censet Laym. probabilem loc. cit. c. 7. num. 3. saltem, ubi tertia pars proventuum conversa est in distributiones; eo quod nimis grave accideret Canonicis, si etiam ob legitimam causam absentes cogerentur carere magnā parte fructuum, aut reddituum; cām res, quā culpā caret, in dānum vocari nou debeat iuxta c. 2. de confit. Quin & probabile dicit Pirk. ibid. valere consuetudinem, ut beneficiatus rediens ex via per duos vel tres dies distributiones lucentur, et si ad divina officia non accederet; eò quod post laborem sit aliquantisper acquiescendum, & cit. c. unico. decr. non resid. damnatur solum consuetudo, ut absentes continuatè lucentur distributiones, adeoque ad plures dies, non autem ad paucos dies; citāque pro hoc Jo. Monach. in cit. c. unico. Idem dicit teneri à Castrop. loc. cit. p. 9. §. 12. nu. 16. de profecturo; ita ut ei concedantur duo vel tres dies pro præparatione ad iter, quibus pro præsente habetur in choro, etiam ad lucrandas distributiones. Eandem sententiam, ait probari ab Azor. cit. q. 5. si Canonicus ob negotia Ecclesia absens redeat & secūs si ob res suas, & commoda privata absuerit.

6. Quintò, ut qui nocte matutino interficit lucentur distributiones, quæ dari solent iis, qui reliquis horis divinis intersunt. Pirk. cit. n. 83. Azor. cit. q. 6.

**Quæstio 415.** An igitur saltem, & quando valeat consuetudo & statutum Capituli circa quotidianas distributiones certo modo devidentas inter Canonicos?

**R**espondeo: valere, modò non sit contra dispositionem cit. c. unico, & Trid. Pirk. n. 84. & cit. ab eo